



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput X. Quod sacra Communio de facili non est relinquenda.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

tua perfrui, & ad vitam proficiamus
æternam. Amen.

CAPUT X.

*Quod sacra Communio de facili non
est relinquenda.*

VOX DILECTI.

I. **F**requenter recurrendum est ad
fontem gratiæ, & Divinæ mi-
sericordiæ, ad fontem bonitatis &
totius puritatis: quatenus a passio-
nibus tuis & vitiis curari valeas,
& contra universas tentationes &
fallacias diaboli fortior atque vigi-
lantior effici merearis.

Inimicus sciens fructum & reme-
dium maximum in sacra Commu-
nitione positum, omni modo & oc-
casione nititur fideles & devotos
quantum prævalet, retrahere & im-
pedire.

2. Cum enim quidam sacre Com-
munioni se aptare disponunt, pejores
sathanæ immisiones patiuntur.

Ipsè

Ipse nequam spiritus (ut in Job scribitur) venit inter filios Dei, ut solita illos nequitia perturbet, aut timidos nimium reddat & perplexos: quatenus affectum eorum minuat, vel fidem impugnando auferat: si forte aut omnino Communionem relinquant, aut cum tepore accedant.

Sed non est quidquam curandum de versutiis & phantasiis illius, quantumlibet turpibus & horridis; sed cuncta phantasmata in caput ejus sunt retorquenda.

Contemnendus est miser & deridendus; nec propter insultus ejus & commotiones, quas suscitatur, sacra est omittenda Communio.

3. Sæpe etiam impedit nimia sollicitudo pro devotione habenda & anxietas quædam de confessione facienda.

Age secundum consilium sapientum, & depone anxietatem & scrupulum: quia gratiam Dei impedit, & devotionem mentis destruit.

Propter

Propter aliquam parvam tribulationem vel gravitatem sacram nã dimittas Communionem: sed vade citius confiteri, & omnes offensiones aliis libenter indulge.

Si vero tu aliquem offendisti, veniam humiliter precare, & Deus libenter indulget tibi.

4. Quid prodest diu tardare confessionem, aut sacram differre Communionem?

Expurga te cum primis, expulsa velociter venenum, festina accipere remedium, & senties melius, quam si diu distuleris.

Si hodie propter istud dimittis, cras forsitan aliud majus eveniet: & diu posses a Communionem impediri & magis ineptus fieri.

Quanto citius vales, a præsentibus gravitate & inertia te excutias: quia nihil importat diu anxari, diu cum turbatione transire, & ob quotidiana obstacula se a Divinis sequestrare.

Imo

Imo
munio
vem to
Prob
soluti
cipiant
adcirco
jorem
tur.
5. H
tem &
qui sac
liter po
Quar
habetur
ritate
ut etia
ratus,
liceret,
Si qu
tatis gr
causa,
Si an
sum ex
in se e

Imo plurimum nocet, diu Communionem protelare; nam & gravem torporem consuevit inducere.

Proh dolor! quidam tepidi & dissoluti moras confitendi libenter accipiunt, & Communionem sacram idcirco differri cupiunt, ne ad majorem sui custodiam se dare teneantur.

5. Heu, quam modicam charitatem & debilem devotionem habent, qui sacram Communionem tam faciliter postponunt;

Quam felix ille, & Deo acceptus habetur, qui sic vivit, & in tali puritate conscientiam suam custodit, ut etiam omni die communicare paratus, & bene affectatus esset, si ei liceret, & sine nota agere posset.

Si quis interdum abstinet humilitatis gratia, aut legitima impediente causa, laudandus est de reverentia.

Si autem torpor obrepserit, seipsum excitare debet, & facere quod in se est; & Dominus aderit desiderio

rio suo pro bona voluntate, quam specialiter respicit.

6. Cum vero legitime præpeditus est, habebit semper bonam voluntatem & piam intentionem communicandi, & sic non carebit fructu Sacramenti.

Potest enim quilibet devotus omni die & omni hora, ad spirituales Christi Communionem salubriter sine prohibitione accedere: Et tamen certis diebus, & statuto tempore Corpus sui Redemptoris cum affectuosa reverentia sacramentaliter debet suscipere, & magis laudem Dei & honorem præterendere, quam consolationem quærere.

Nam toties mystice communicat, & invisibiliter reficitur, quoties incarnationis Christi mysterium, passionemque devote recolit, & in amore ejus accenditur.

7. Qui aliter se non præparat, nisi instante festo, vel consuetudine

ne compellente, sæpius imparatus erit.

Beatus, qui se Domino in holocaustum offert, quoties celebrat aut communicat.

Non sis in celerando nimis prolixus aut festinus, sed serva bonum communem modum, cum quibus vivis.

Non debes aliis generare molestiam & tædium, sed communem servare viam secundum majorum institutionem: & potius aliorum servare utilitati, quam propriæ devotioni vel affectui.

CAPUT XI.

Quod Corpus Christi & sacra Scriptura maxime sint animæ fidelis necessaria.

VOX DISCIPULI.

O dulcissime Domine Jesu, quanta est dulcedo devotæ animæ, tecum epulantis in convivio tuo: ubi non alius cibus manducandus proponi-